



მოსკოვის საპატრიარქოს დელეგაცია მონაწილეობას იღებს სრულიად საქართველოს ახალი კათოლიკოს-პატრიარქის აღსაყდრებისადმი მიძღვნილ საზეიმო ღონისძიებებში



სსკვ-ის კომუნიკაციის სამსახური, 18.05.2026. 2026 წლის 16 მაისს, მოსკოვისა და სრულიად რუსეთის უწმინდეს პატრიარქ კირილეს ლოცვა-კურთხევით, რუსეთის მართლმადიდებელი ეკლესიის დელეგაცია, რომლის შემადგენლობაშიც შედიან ტვერისა და კაშინის მიტროპოლიტი ამბროსი და მოსკოვის საპატრიარქოს საგარეო საეკლესიო კავშირების განყოფილების თავმჯდომარის მოადგილე, დეკანოზი იგორ იაკიმჩუკი, თბილისს ეწვია სრულიად საქართველოს ახლადარჩეული კათოლიკოს-პატრიარქის, შიო III-ის აღსაყდრებისადმი მიძღვნილ საზეიმო ღონისძიებებში მონაწილეობის მისაღებად.

დელეგაციას აეროპორტში დახვდა ნიკორწმინდელი ეპისკოპოსი ვახტანგი.

17 მაისს რუსეთის მართლმადიდებელი ეკლესიის დელეგაციის წევრებმა ილოცეს საღვთო ლიტურგიაზე თბილისის წმინდა სამების საკათედრო ტაძარში. საღვთო ლიტურგია აღავლინეს სრულიად საქართველოს უწმინდესმა და უნეტარესმა კათოლიკოს-პატრიარქმა შიო III-მ და ჩეხეთის მიწებისა და სლოვაკეთის უნეტარესმა მიტროპოლიტმა როსტისლავმა. მათ თანამსახურება გაუწიეს საქართველოს მართლმადიდებელი ეკლესიის იერარქებმა და სამღვდლოებამ, ასევე ზეიმში მონაწილე სხვა ადგილობრივი მართლმადიდებელი ეკლესიების წარმომადგენლებმა.

წირვას ესწრებოდნენ საქართველოს მთავრობის ხელმძღვანელი პირები: პრეზიდენტი მ. ყაველაშვილი, პრემიერ-მინისტრი ი. კობახიძე და პარლამენტის თავმჯდომარე შ. პაპუაშვილი.

დღესასწაული დაემთხვა ოჯახის სინმინდის დღეს, რომელიც საქართველოში ეროვნულ დონეზე აღინიშნება და დაწესებულია უწმინდესი და უნეტარესი კათოლიკოს-პატრიარქ ილია II-ის ინიციატივით. ამ დღეს თბილისის ყველა ეკლესიაში აღევლინა ადრეული საღვთო ლიტურგია, რის შემდეგაც შედგა მრავალათასიანი სახალხო მსვლელობა წმინდა სამების საკათედრო ტაძრისკენ, რომლის ეზოშიც სადღესასწაულო პარაკლისი ჩატარდა.

წირვის შემდგომ სიტყვაში სრულიად საქართველოს კათოლიკოს-პატრიარქმა შიო III-მ ხალხს გაერთიანებისკენ მოუწოდა საქართველოში ოჯახის ინსტიტუტის დასაცავად.

„დღეს თანამედროვე გამოწვევებით სავსე სამყაროში მართლმადიდებელ ეკლესიას უმნიშვნელოვანესი მისია ეკისრება. ის, როგორც ზნეობრივი ფასეულობების ორიენტირი და საფუძველი, ერის გამაერთიანებელი, ხალხში ქრისტიანული ღირებულებების განმამტკიცებელია. ამიტომ აუცილებელია, ეკლესიაც და სახელმწიფოც ერთად ვზრუნავდეთ მომავალი თაობის ღირსეულად აღზრდისათვის, ოჯახური სინმინდისა და სიყვარულის დაცვისათვის. ყველამ უნდა გავაცნობიეროთ, რომ ოჯახი არა მარტო პირადი სივრცე, არამედ ეროვნული იდენტობის საძირკველია. სწორედ ოჯახის სიმყარე განაპირობებს ძლიერ და ერთიან სახელმწიფოს“. – განაცხადა პატრიარქმა.

საქართველოს პრეზიდენტის, პრემიერ-მინისტრისა და პარლამენტის თავმჯდომარის გამოსვლებში ხაზი გაესვა ეკლესიის მნიშვნელოვან გამაერთიანებელ როლს ქართულ საზოგადოებაში ზნეობრივი ღირებულებების, მათ შორის ოჯახური ღირებულებების დაცვის საქმეში. აღინიშნა, რომ ოჯახის სინმინდის დღის აღნიშვნა ქართველი ხალხის მართლმადიდებლური იდენტობის ნიშანია, რომელიც უნდა იყოს დაცული და გაძლიერებული საქართველოს მშვიდობისა და კეთილდღეობისთვის.

იმავე დღეს მიტროპოლიტი ამბროსი და დეკანოზი იგორ იაკიმჩუკი ეწვივნენ თბილისის უძველეს სიონის საკათედრო ტაძარს, სადაც მათ ლიტია აღასრულეს მისი უწმინდესობისა და უნეტარესობის, სრულიად

საქართველოს კათოლიკოს-პატრიარქის ილია II-ის საფლავზე და, ასევე თაყვანი სცეს საქართველოს მართლმადიდებელი ეკლესიის ერთ-ერთ მთავარ სინმინდეს – ნმინდა მოციქულთასწორ ნინოს ჯვარს.

საღამოს რუსეთის მართლმადიდებელი ეკლესიის დელეგაცია მიწვეულ იქნა საზეიმო მიღებაზე, რომელიც მიეძღვნა სრულიად საქართველოს უნმინდესი და უნეტარესი კათოლიკოს-პატრიარქის, შიო III-ის ინტრონიზაციას. ღონისძიებაში მონაწილეობდნენ საქართველოს საპატრიარქოს წინამძღვარი და იერარქები, ადგილობრივი მართლმადიდებელი ეკლესიების დელეგაციები, საქართველოს მთავრობის მაღალი თანამდებობის პირები, უცხოელ მადიდებელი ქრისტიანული კონფესიებისა და რელიგიური გაერთიანებების წარმომადგენლები.

ტვერისა და კაშინის მიტროპოლიტმა ამბროსიმ მისასალმებელი სიტყვით მიმართა საქართველოს მართლმადიდებელი ეკლესიის ახლადარჩეულ წინამძღვარს და გულითადი მილოცვა გადასცა მოსკოვისა და სრულიად რუსეთის უნმინდეს პატრიარქ კირილესგან.

თავის მიმართებაში მიტროპოლიტმა ამბროსიმ ყურადღება მიაქცია იმას, რომ საქართველოს მართლმადიდებელი ეკლესიის საყდარი დამშვენდა ახალი პირველიარარქით ქრისტიანობის სახელმწიფო რელიგიად გამოცხადების 1700 წლის საიუბილეო წელს. მეუფემ ასევე აღნიშნა, რომ საქართველოს ახალ პატრიარქს მართებს ნეტარსენებული კათოლიკოს-პატრიარქის, ილია II-ის მრავალრიცხოვან ინიციატივის გაგრძელება და გამრავლება, რომელთა შორის განსაკუთრებული ადგილი უკავია ოჯახური და სხვა ზნეობრივი ფასეულობების დაცვაზე ზრუნვას. „თბილისში ყველგან ვხედავდით მკაფიო და ცოცხალ მოწმობას იმისას, რომ ყოვლადწმინდა ღვთისმშობლის წილხვედრ ქვეყანაში სახარებისეული სიტყვას გამოაქვს სათანადო ნაყოფი და ეს ნაყოფი სულ უფრო იზრდება – ამას აჩვენებს მრავალრიცხოვანი მლოცველების, მათ შორის მრავალი ახალგაზრდისა და ბავშვის ნათელი, შთამაგონებელი სახეები და ოჯახის სინმინდის დღის ქეშმარიტად ეროვნული დღესასწაული“, – აცხადებს მოსკოვის საპატრიარქოს დელეგაციის ხელმძღვანელი. მის უნმინდესობასა და უნეტარესობას, სრულიად საქართველოს კათოლიკოს-პატრიარქ შიოს, მან უსურვა ძალების სიმტკიცე და ზეგარდამო შენევნა, და დაარწმუნა, რომ მის საწინამძღვრო მოღვაწეობას ყოველთვის ეხლება რუსეთის მართლმადიდებელი ეკლესიის თბილი ლოცვითი მხარდაჭერა.

შემდეგ მიტროპოლიტმა ამბროსიმ პატრიარქ შიოს სამახსოვრო საჩუქრები გადასცა.

მიღებაზე სიტყვით გამოვიდნენ ასევე საქართველოს პრეზიდენტი მიხეილ ყაველაშვილი, პრემიერ-მინისტრი ირაკლი კობახიძე, ადგილობრივი მართლმადიდებელი ეკლესიების წარმომადგენლები და ზეიმის ოფიციალური სტუმრები.